


BIBL. NAZ.
VIII Emanuele III

SUPPL.
PALATINA

B

616

NAPOLI



779.

26342

DECRETA

SACRÆ CONGREGATIONIS CONSISTORIALIS

REGIUM BENEPLACITUM

ET SUBDELEGATIO

R. P. D. INNOCENTII FERRIERI

ARCHIEPISCOPI SIDENSIS

ET APUD REGIAM UTRIVSQUE SICILIE AULAM

APOSTOLICI NUNTII

CUM ACTU POSSESSIONIS

R. P. D. JANUARI SALADINO

EPISCOPI ÆSERNIENSIS ET VENAFRANI

PRO CANONICA INSIGNIS COLLEGIATÆ ERECTIONE

OPPIDI CARPINONIS

ÆSERNINÆ DIOCESEOS.



CAMPIBASSI

EX TYPOGRAPHIA NUZZI

1853

JANUARIUS SALADINO

S. Theol. Doctor, Dei et Apostolicæ Sedis Gratia

EPISCOPUS ÆSERNIENSIS ET VENEFRANUS

CASTRI ROMANI BARO

EQUES REALIS ORDINIS FRANCISCI I.

ATQUE AD INFRASCRIPTA

SANCTISSIMI DOMINI NOSTRI PII PAPAE IX.

SUBDELEGATUS



IMPOSITO Nobis Episcopatus onere, qua polluimus diligentia, ea quæ ad Divini cultus incrementum videbantur statuenda, Deo adiuvante, explevimus. Ad decorem domus Dei mentis aciem in primis convertentes, instaurata per Nos Ecclesia Æsernina terrae-motu collapsa, atque, ut fas erat, Ecclesiastico ornatu expolita, varietate suppellectilium circumdata ad fidelium pientissimas orationes, vota et piacularia sacrificia reseravimus. Cum divina res sit Sancti Sacerdotii ministerium, ad Nostræ

Diaecesis Seminarium ampliandum, et omnium scientiarum Ecclesiasticarum Cathedris decorandum sedulam operam navavimus, quo incauta iuventus altaris officio mancipanda hisce difficillimis temporibus tanquam in salutis arca scientiam Sanctorum cum pietate amice conjungens, in mensuram aetatis et Christi plenitudinis ad Sanctuarii umbram tuto concreceret: Pastoralis eurae satagentes, frequenti Ecclesiarum Nostrae Diaecesis visitatione ad sarta tecta illarum et decentem ornatum curandum amplificandumque studiose adlaboravimus. Gratias Omnipotenti Deo humillimas agentes, qui infirmitatem nostram Sancti Spiritus gratia et adjuvavit et sustinuit, in eo tantum superabundo gaudio pro suis ipsis muneribus laetamur, nam munus suum profecto est Christianae Fidei incrementum, quemadmodum de semetipso adloquitur Apostolus: EGO PLANTAVI, APOLLO RIGAVIT, DEUS AUTEM INCREMENTUM DEDIT.

Post restitutam Ecclesiam Venafranam ad Cathedrae Episcopalis honorem, quae nunc aequae principaliter Nostrae Aeserniensi Ecclesiae conjuncta est, suppliciter Sanctissimum Dominum PHUM PAPAM IX deprecati sumus pro gratia erigendi Parochialem Ecclesiam *Carpinonensem* in *COLLEGIATAM INSIGNEM*. Obtena prius per Nos benigna commendatione PIETISSIMI REGIS NOSTRI ad Apostolicam Sedem, SANCTITAS SUA Nostras preces vultu benigno excipiens, mandavit Decretum Erectionis expediri tenoris sequentis videlicet:

ÆSERNIENSIS
SIVE OPPIDI CARPINONENSIS

IN REGIA UTRIVSQUE SICILIE DITIONE
PRO CANONICA INSIGNIS COLLEGIATÆ BRECTIONE

PIA CHRISTI FIDELIUM VOTA pro divinarum rerum cultu magis magisque ubilibet augendo Summi Pontifices Romani indulgenter suscipere benignoque prosequi favore consueverunt. Ita nimirum in Suprema PRINCIPIS APOSTOLORUM Chatedra divinitus constitutus PIUS NONUS eas paterna charitate recepit supplicationes, quas pientissimo desiderio humiliter ad Sanctam hanc Sedem Municipes Carpinonenses ejusque potissimum Clerus offerendas curarunt. Adprecati enim sunt, ut SANCTITAS SUA ex ea, qua pollet, auctoritate Apostolica dignetur illam Parochialem et Matricem Ecclesiam, quae in Oppido Carpinonensi hodie dum colitur sub *invocatione Beatissimæ Virginis Mariæ in Cælum Assumptæ*, revera in COLLEGIATAM INSIGNEM canonice erigere, perpetuoque modo sic statutam edicere atque sancire. Quocirca id quidem pro certo habendum asseruerunt, quod ex approbato confirmatoque istiusmodi opere mox omnibus illis incolis nedum plurima etiam in spiritualibus consolatio sit accessura, verum etiam uberior bonorum operum fruges

prae splendidiore in divinis officiis cultu et frequentia sit continuo ad maiorem Dei gloriam eventura. Cuius rei gratia inter caetera quae ad idoneitatem et dignitatem pertinere solent, professi utique sunt, illud Oppidum (vernaculo idiomate *Carpinone* vocatum) tria fere millia inhabitantium continere, satis commodum esse, atque longaevae antiquitatis praconium et gloriam praeseferre.

Proditum enim esse memoriae, quod, labente a Christi Jesu Nativitate saeculo septimo, inibi aderat ARCHIPRESBYTER, qui jurisdictione quasi EPISCOPALI uteretur; postea sub anno 1662. contigisse, ut Diaecesanus Episcopus Aeserniensis Ecclesiam ibidem utpote collegialiter institutam agnoverit: et quodam modo declaraverit. Utut isthaec sese quondam habuerint, id saltem in comperto nunc esse, quod ipsamet Ecclesia BEATISSIMAE VIRGINIS MARIAE IN COELUM ASSUMPTAE merito utiliterque censetur digna, quae ad COLLEGIATAE INSIGNIS titulum honorem et privilegium attollatur. Enimvero in centrali loco illius Oppidi sita prostat utique idonea et satis decora; sacrarum suppellectilium copia referta est abundanter; praesto habet plurium Ecclesiasticorum coetum suo servitio et cultui quotidiano mancipatum, et congruis ditatum praebendis, atque caeteris demum praerogativis adminiculis et rebus ad huiusmodi Collegialitatem vel necessariis vel opportunis praedita esse dignoscitur.

Quae cum ita sint hodiernus Aeserniensis Antistes Diaecesanus R. P. D. JANUARIUS SALADINO, insuperque Sere-

nissimus Utriusque Siciliae Rex FERDINANDUS II. minime dubitarunt praenunciatas Carpinonensium supplicationes strenuo penes ipsam Sanctam Sedem zelo et patrocinio commendare. Quibus propterea libenti animo indulturus idem SANCTISSIMUS DOMINUS NOSTER, cunctis, quae inspicienda erant, matura deliberatione perpensis, atque adeo supplens, quatenus opus fuerit, consensui quorumcumque interesse habentium, vel quomodocumque habere praesumentium, et contrariis quibuscumque, speciali quamvis mentione dignis minime obstantibus, vel eis (ad hoc dumtaxat negotium) illata derogatione; dignatus est ex certa scientia, motuque veluti proprio deque Supremae Suae Potestatis Apostolicae plenitudine, omnia et singula haec, quae sequuntur, declarare, decernere, perpetuoque sancire.

I.

Ecclesia, quae in Carpinonensi Oppido (italice CARPINONE) intra Dioecesis Aserniensis limites dicata est in honorem Beatissimae Virginis Mariae in Coelum Assumptae; quaeque perhibetur (utut contigerit) praedita jamdudum extitisse inservientium Presbyterorum seu Canonicorum coetu, veluti *Collegiali*, nunc certo certius ex Apostolica ejusdem Sanctissimi Domini Nostri PII NONI Summi Pontificis auctoritate utpote per novam erectionem sit in COLLEGIATAM INSIGNEM perpetuo constituta.

Nihilo tamen secus servet *priscam BEATISSIMÆ MARIE VIRGINIS IN COELUM ASSUMPTÆ Invocationem*, nec non *MATRICEM PAROCHIALITATEM* cum eadem animarum cura, quae prorsus, ut antea, erit exercenda. Ea igitur Ecclesia suum habeat *COLLEGIALE CANONICORUM CAPITULUM* cum Presbyterio, Choro, et Stallis, nec non Capitulari Mensa, Sigillo, aliisque signis consuetis. Gaudeat praeterea privilegiis, immunitatibus, exemptionibus, praeeminentiis, concessionibus, gratiis, praerogativis et caeteris quibuscumque, quae aliis in Siciliarum Regno citra Pharus saecularibus huiusmodi Collegiatis existentibus Ecclesiis fuerint sive jure, sive usu et legitima consuetudine, vel ordinaria ex concessione impertita; exceptis tamen iis, quae speciali ex indulto vel oneroso titulo fuerunt data, vel acquisita.

II.

Quamobrem *COLLEGIALE CAPITULUM* utpote de novo sit inibi de Apostolica ejusdem Summi Pontificis auctoritate rite sic erectum atque constitutum, ut undecim constet *CANONICATIBUS*, quorum alter dignitarium titulum *ARCHIPRESBYTERATUS*, alter *DECANATUS* alter demum *THESAURARIATUS*, nec non honores, praeeminentias et caetera de more praeseferat. *ARCHIPRESBYTER* porro, qui et *PAROCHUS* jurgiter sit, primam; *DECANUS* secundam; *THESAURARIUS* tertiam semper gerant dignitatem. Satagat profecto Episco-

pus, qua meliore fieri potuerit ratione, perpetuo statuere, ut cuique CANONICO DECANO incumbat onus defungendi officiis, quae propria sunt Canonici vel THEOLOGALIS, vel PENITENTIARUM; alterutrum nempe sicuti Episcopo eidem visum fuerit melius in Domino ibi praestare. Huic insuper Capitulo quatuor MANSIONARIAE seu BENEFICIARIAE Praebendae accedant perpetuo constitutae.

III.

Ejus videlicet Paraeciae cura *habitualis* sit penes universum illud Capitulum; cura vero *actualis* Parocho Archipresbytero potissimum incumbat, illum vero in animarum cura et Parochialibus muneribus explendis coadjuvare teneantur singuli antedicti MANSIONARUM dummodo iam sint, aut statim ac fuerint Presbyteratus ordinem assequuti. Si hoc tamen ordine aliquando careant propter aetatis defectum, interea idem coadjuvandi Parochi onus obire atque satagere debeant bini ex iis Canonicis postremi Presbyteri. Quapropter istae quatuor Beneficiariae seu Mansionariae Praebendae, utpote Presbyterales concurrentem cuique minorenni Rectori suo inferant obligationem suscipiendi Sacrum Presbyteratus ordinem intra tempus per sacros canones praefinitum. Enimvero si quis eorundem Rectorum vicesimum quintum suae aetatis annum expleverit, quin maluerit, aut quacumque de causa potuerit presbyteralem ordinem adquisivisse; tum is cen-

seatur et sit ipso facto et re destitutus, atque adeo penitus privatus beneficio seu mansionariatu, cuius ideo collatio protinus inde fieri jure possit ac debeat.

IV.

Quae in hymnis et canticis rite in eadem Collegiata Ecclesia sedulo praestentur, divina officia ita sese habeant. Porro CONVENTUALIS MISSA pro *Benefactoribus* in genere sit applicanda et collegialiter canenda. Matutinae ac diurnae (quotquot sunt) Horae Canonicae rite in choro persolvendae, insuperque Anniversaria caeteraque officia seu Functiones Ecclesiasticae, quae jam vel posthac usu venerint, itidem peragendae sint. Istiusmodi quidem omnino rerum satagere teneantur omnes et singuli Canonici et Beneficiati seu Mansionarii nedum festis quibusque diebus et hebdomada Majori, verum etiam aliis diebus profestis peculiari devotione inibi dignis ab Episcopo tamen praefiniendis. Quoad caeteros vero feriales dies dimidia dumtaxat pars omnium Canonicorum et Mansionariorum (in alternam nempe vicem hebdomadam) choralis Collegiatae servitio pariter satisfaciat. Omnes ideo et singuli ejus Canonici et Beneficiati seu Mansionarii teneantur personalem residentiam apud ipsam Collegiatam observare et quae virilim incumbunt onera ea, qua par est, religione diligenter adimplere. Praecipue autem Parochus Archipresbyter applicet Missam

pro populo cunctis festis (quamquam reductis) diebus,
et animarum curam, sicuti antea, obeundam navet.

V.

Quum itaque in istiusmodi functionibus habenda sit gravitas et decor ad religiosam Christifidelium in Domo Domini magis magisque augendam devotionem et reverentiam; ideo SACRATISSIMUS PRINCEPS dignatus est imperitare ut omnes et singuli ejusdem Collegiatae Canonici tam dignitarii quam non dignitarii valeant ac debeant in choralibus aliisque collegialibus sive capitularibus functionibus inibi atque ubilibet (intra vero Æserniensem Diaecesim tantum) haec adhibere indumenta: tempore videlicet aestivo seu a primis Vesperis de Christi Jesu in Coelum Ascentione usque ad primas Omnium Sanctorum vespervas exclusive lineum Rochetum cum superpelliceo (italice *Rocchetto e Cotta*); reliquo quidem anni tempore praefatum Rochetum et sericum violacei coloris palliolum (italice *Mozzetta*) superinduant. Praeterea ex specialissima Summi Pontificis gratia, licite possint etiam collaria ejusdem violacei coloris gestare. Quatuor vero antedicti Beneficiati seu Mansionarii consimile tatummodo superpelliceum (italice *Cotta*) induant, nec non violaceam Adalmutiam una simul in brachio levi gestent.

VI.

Istud nimirum Capitulum, ejusque omnes et singuli Canonici nec non Beneficiarii seu Mansionarii respective gaudeant et fruantur juribus, honoribus, gratiis, favoribus, privilegiis, et quibuscumque aliis, quae caeteris Canonici et Beneficiarii seu Mansionariis in Dioecesis huiusmodi Collegiatis fuerint generaliter attributa, quaeque legitima ex consuetudine usu venerint; exceptis veruntamen iis, quae fuerint peculiari ex gratia concessa, vel oneroso titulo acquisita. Proindeque Capitulo eidem SANCTITAS SUA provide veniam et facultatem est elargita ut omnes ejus Canonici collegialiter congregati valeant vel reformare vel noviter etiam conficere sibi STATUTA CAPITULARIA, sicuti visa fuerint satius in Domino expedire, quae scilicet Synodo Tridentina, Apostolicisque Constitutionibus minime sint adversantia, atque adeo Antistitis Ordinarii approbatione indigeant, ut pro rebus capitularibus gerendis navandisque sanctionem et legis vim praesceferant.

VII.

In congruam, sicuti relatum exploratumque est, dotacionem totius ejusdem Capituli Collegialis una cum quantum praesignatis Mansionariis ea scilicet omnia et singula sint sarta tectaue bona quaelibet ac redditus et emolu-

menta etiam Ecclesiastica, quae hactenus comperiuntur jam stabiliter inibi constituta et comprobata. Quocirca in decretis esto ut quisque pro tempore Parochus Archipresbyter praecipuam pergat habere Parochialem, uti vocant, Mensam ita porro, ut jugiter ejus administrationem idem ipse seorsim tucatur, reditusque inde sufficienter provenientes, quotquot sint, sibi uni adsignet. Ceteri vero Canonici cum ipsis Mansionariis debeant cumulativam beneficiorum suorum administrationem, haud secus quam antea, conservare. Quae nimirum Communis istiusmodi Massa in singulos annos cumulanda dividatur in duodecim aequales portiones. Unicuique Canonico, dempto tamen, uti supra, Parocho, unica hujusmodi portio quotannis attribuat: reliquae vero binae portiones nox in alias quatuor aequales portiones pro unoquoque Mansionario subdividantur. Quamvis ita visum fuerit satis consultum fuisse congruis singulorum Canonice, et Mansionariorum praebendis, nihilominus ratum est, aliquod majus emolumentum esse impertiendum iis, qui cum pro tempore Parochum Archipresbyterum in animarum cura et Parochialibus muneribus ibi peragendis, sicuti praefertur, adjuverint. Quamobrem R. D. MICHAELANGELUS SCIOLI hodiernus ibidem Parochus libenter perpetuoque tam pro se quam pro suis quibusque Successoribus spondit ex fide verbo data, et authentico scripto confirmata quotannis ad hoc opus esse suppeditandos ex praefata Mensa Archipresbyterali vicenos frumenti mo-

dios, qui italice illic *tomoli* nuncupantur. Intercedente itaque Sanctitatis Suae auctoritate unusquisque illius Ecclesiae Parochus Archipresbyter praefatos frumenti modios in singulos annos impertire perpetuo teneatur, ut per aequales portiones iis tantummodo sive Mansionariis sive Canonicis attribuantur, qui Parochum, uti praescriptum est, coadjuverint.

VIII.

Ut nempe sedulum in divina officia studium servetur, proniorique augeatur diligentia, ideo *Aserniensis* Episcopus curet jubeatque aliam ex tertia uniuscujusque praebendae parte jugiter institui *Massam* pro quotidianis distributionibus. Isthac profecto certa ex lege in singulos dies et in singulas divinorum officiorum partes disper-tienda sit inter eos tantum, qui praesigatis functionibus in ea Collegiata rite interfuerint.

IX.

Praedictorum quidem omnium Canonicatum et Beneficiorum seu Mansionariorum nominationes vel praesentationes, collationes aut institutiones deinceps quoque fiant juxta canonicum jus moremque jam suetum aequae ac in caeteris istiusmodi Collegiatis Ecclesiis intra Regiam Utriusque Siciliae Ditionem. Quorumvis enim privatorum

jure patronatus omnino reservato, alioquin super hac revigere prorsum debeant ea quaelibet, quae sive generaliter per Sacros Canones, sive per Apostolicas alias in id initas ordinationes speciatim praescripta inveniuntur.

X.

Nunc verumtamen singuli, qui ea in Collegiata jam comperiuntur legitimi carum Praebendarum possessores (sive Canonicorum sive Mansionariorum titulis gavisuri) pergant quidem viritum retinere ac frui eisdem praebendis, quin ac prima vice teneantur aliam Apostolicarum Bullarum seu quorumvis actorum expeditionem renovare.

XI.

Caeterum ne unquam in eadem Collegiata desint proventus pro ejus fabricae incolumitate atque condecensibus ornamentis; itemque pro ipsius Ecclesiae Sacrario ad impendia quaeque in divini cultus exercitium inibi digne obeundum: idem SANCTISSIMUS DOMINUS NOSTER provide cavit atque sancivit solemnius quoque hic confirmari perpetuaeque observantiae mandari cunctas et singulas praestationes illas, et alia quaeque ad hoc speciatim, sicuti perhibitum est, illata, et pie constituta. Sattius insuper decrevit, ut annua uniuscujusque Mansionariatus praebenda seu taxativa reddituum portio (deductis

tamen incumbenlibus oneribus) in eosdem praefatos usus plane reserventur atque impendantur nedum hae prima vice, verum etiam quoties et quamdiu isthaec quatuor beneficia deinceps vacaverint.

XII.

Quae quidem omnia superius recensita, et Apostolica sanctione canonice roborata, ut plenam expeditius et commodius habeant vim, nec non potiore tuantur effectum et solemnitate, SANCTITAS SUA maluit atque jussit, summarium hoc Sacrae Congregationis Consistorialibus rebus praepositae decretum perinde haberi prorsusque valiturum esse, ac si LITTERAE APOSTOLICAE sive sub *plumbo* sive in forma *Brevis* ad hoc negotium expeditae fuissent. Quocirea id etiam edixit, ne quis ullo unquam tempore audeat vel praesumpserit hoc ipsum Decretum quovis vitio notare vel ullatenus impugnare.

XIII.

Demum in hujusmodi Decreti Exequutorem cum necessariis et opportunis quibuslibet facultatibus, eadem SANCTITAS SUA dignata est deputare R. P. D. INNOCENTIIUM FERRIERI, Sidensem in partibus Infidelium Archiepiscopum, et Apostolicum apud Regiam Utriusque Siciliae Aulam Nuntium, ut sive per se, sive per aliam personam in

Ecclesiastica Dignitate constitutam (ab eo scilicet subdelegandam) valeat definitive , omnique appellatione remota , inquirere , decernere et praecipere quidquid oportuerit , ut omnia et singula , quae superius decreta sunt , protinus ad opportunum exitum perducantur. Eidem verumtamen Exequutori , ejusve Subdelegato voluit addere obligationem , ut alteruter intra tres menses ab expleta exequutione teneatur ad Sanctam hanc Sedem diligenter transmittere authenticum exemplar cujuscumque exequutorialis ad hoc opus exarandi. Atque adeo , ut haec omnia ad PERPETUAM REI MEMORIAM ET NORMAM observantur , mandavit , hoc ipsum Decretum inter acta sacrae Congregationis Consistorialis juxta morem custodiri. Datum Romae hac die decima Februarii , Anno Reparatae hominum Salutis Millesimo Octingentesimo Quinquagesimo Tertio.

Loco ✠ Sigilli.

DOMINUS ROGERIUS ANTICI MATTEI
Sacrae Congregationis Consistorialis Secretarius.

Registrato al lib. 16 e fol. 3824.

Loco ✠ Sigilli

RESERVATIS

SIVE OPPIDI CARPINONENSIS

DECLARATIONIS SEU CONFIRMATÆ PORTIONIS

AB EO PAROCHIO ARCHIPRESBYTERO JUGITER PERCIPIENDE
SUPER COMMUNI COLLEGIALIUM CANONICORUM MASSA.



Dum apud hanc S. Sedem Apostolicam nupere agebatur negotium de canonica Ecclesiae Collegiatae Carpinonensis erectione, id fuit, inter cætera, expressis verbis iterum iterumque repositum; quod videlicet illiusmet Ecclesiae Clerus, excepta Mensa Parochi Archipresbyteri, prorsus utique separata, suorum reddituum administrationem in Massa communi praeservaret. Accidit vero, ut praetermissa fuerit clarior et quaesita certitudo, qua, sicuti par erat, liqueret, eundem Parochum Archipresbyterum nedum ea frui Mensa separata, verum et aequam insuper portionem inter primores ipsi Ecclesiae addictos Presbyteros sibi ex alia Massa Communi adsciscere. Hinc fieri contigit, ut nulla facta fuerit expressa hujusmodi rei mentio in Consistoriali Decreto ad praefatum negotium sub die decima superioris mensis Februarii promulgato: In comperto tamen est quod ibi cautum fuerit ut *in congruam dotationem totius ejusdem Capituli Collegialis una cum praesignatis quatuor Missionariis ea scilicet omnia et singula sint sarta tecta-*

que bona quælibet ac redditus et emolumenta etiam Ecclesiastica, quæ hactenus comperiuntur jam stabiliter inibi constituta et comprobata. Jure igitur meritoque hodiernus illius Æserniensis Dioecesis Antistes R. D. D. Januarius Saladino, ac re apprime cognita et pro certa subinde relata, devotissimis precibus apud hanc S. Sedem Apostolicam prolatis, postulavit, ut eidem rei, juxta pristinam rationem, certo certius prospiciatur. Jamvero Summus Dominus Noster PIUS NONUS divina providentia Summus Pontifex, cunctis quæ inspicienda erant, maturiore deliberatione perpensis quam expressius declaravit atque sancivit, ut, præcitato Decreto Consistoriali et cæteris quibuslibet minime obstantibus, vel eis illata speciali, ad hoc dumtaxat, derogatione, tam hodiernus memoratae Collegiatae Carpinonensis Parochus Archipresbyter, quam singuli ejus Successores jure valeant atque satagent unam insuper portionem Canonicalem, uti antea, sibi vindicare atque percipere ex altera quoque Collegiali Massa Communi, quæ [proinde in tredecim aequales portiones cum juribus vel inhaerentibus accessoriis et oneribus sit quolannis dividenda. Etenim undecim ex istis attribui debent atque constitui pro unoquoque Canonico (Parocho etiam Archipresbytero comprehenso); binæ autem reliquæ portiones rursum subdividendæ sunt in alias quatuor aequales partes, quæ cooptatis quatuor illis Mansionariis erunt singulatim adjudicandæ. Propterea nimirum idem Sanctissimus Domi-

nus Noster PIUS PAPA IX jussit hoc ferri Decretum perinde valiturum ac si Litterae Apostolicae sive sub *Plumbo*, sive in forma *Brevis* fuissent expeditae, ipsumque ad perpetuam rei memoriam et observantiam in ejus Collegiatae Carpinonensis Archivio, atque adeo inter acta hujusce Sacrae Congregationis Consistorialibus negociis praepositae de more conservandum. Datum Romae hac die Decima Nona Maji Anno Domini Millesimo Octingentesimo Quinquagesimo Tertio.

Loco ✠ Sigilli.

DOMINUS ROGERIUS ANTICI MATTEI
Sacrae Congregationis Consistorialis Secretarius.

Registrato al lib. 16 N. 3824.

Luogo ✠ del Suggello.

Veduti per la erezione a Collegiata Insigne la Chiesa del Comune di Carpinone i Decreti Concistoriali dei dieci di Febbraio e diciannove Maggio di questo anno;

Stante la Sovrana Determinazione del dì due di settembre dell'anno trascorso, partecipata il dì ventotto dell'attuale mese dal Ministero e Real Segreteria di Stato degli Affari Ecclesiastici e della Istruzione Pubblica;

Si eseguano i due summenzionati Decreti Concistoriali, salvo le Leggi e la Polizia Ecclesiastica del Regno, con l'espressa condizione che non si possa far uso delle Insegne, se prima non siasi ottenuta da Sua Maestà il Re (D. G.) la Real Cedola permissiva.

Napoli 23 di Luglio 1853 = DUCA DI AVERA =

L' Ufficiale del Carico Spedizionario = Michele Frenna

— Registrato al lib. 16. N. 3824 Decreti Concistoriali. Duc. uno e gr. 30 — Il Controloro = Pasquale Ferro — Visto — Il Ricevitore Generale — Paolo Lazzari.

INNOCENTIUS FERRIERI

DEI ET APOSTOLICAE SEDIS GRATIA

ARCHIEPISCOPUS SIDENSIS

SANCTISSIMI DOMINI NOSTRI PII PAPAE IX.

PRELATUS DOMESTICUS PONTIFICIO SOLIO ADSISTENS

ABBAS-COMMENDATARIUS S. MARIAE VULGO DELLE PIANE AD TERMINOS

etc. etc. etc.

ET APUD UTRIUSQUE SICILIE REGEM

NUNTIUS APOSTOLICUS

ET AB EODEM SANCTISSIMO DOMINO NOSTRO

AD INFRASCRIPTA SPECIALITER DELEGATUS

ILLUSTRISSIMO AC REVERENDISSIMO DOMINO

JANUARIO SALADINO

EPISCOPO ATERNI AC VENAFRANO

SALUTEM IN DOMINO.

Decreto Consistoriali dato sub die decima Februarii
volventis anni, cujus initium = PIA CHRISTIFIDELIUM
VOTA =, Ecclesia Deo in honorem Beatissimae Mariae
Virginis in Coelum Assumptae dicata, quae invenitur in
Oppido Carpinonensis (vulgo *Carpinone*), intra hujusce

Aeserniensis Dioecesis fines, Sanctissimi Domini Nostri]
PII PAPÆ IX providentia in veram atque Insignem Col-
legiatam canonice erigitur, eique omnia et singula jura,
quibus hujusmodi Collegiatae Ecclesiae in Siciliarum Re-
gno citra Pharium gaudent, perpetuo adjudicantur. Quod
autem Decretum aliud etiam sequitur pariter Consistoriale
sub die 19 Maji ejusdem anni expeditum, incipiens ==
DUM APUD HANC S. SEDEM ==, ejus tenore nonnulla de-
clarantur seu confirmantur de portione a Parocho Archi-
presbytero ejusdem Ecclesiae jugiter percipienda super
Communi Collegialium Canonicorum Massa. Hujusmodi
Consistorialium Decretorum executionem eadem SANCTI-
TAS SUA Nobis committere dignata est, ita tamen ut vel
per Nos ipsos vel per alium Virum, in Ecclesiastica di-
gnitate insignitum, a Nobis subdelegandum ea omnia
assequantur et rite adimpleantur, quae in iisdem Deere-
tis praecipiuntur.

Vehementer optabamus demandato muneri Nos ipsi
satisfacere, sed cum variis distenti curis id perficere non
possimus, utentes facultatibus Nobis elargitis, eligimus
ac deputamus Dominationem Vestram, ut per se ipsam,
vel ea impedita, per suum Vicarium, aut Pro-Vicarium
Generalem curet Decreta, de quibus agitur, vice Nostrae
ac Nomine publicare et exequi in omnibus juxta eorun-
dem tenorem.

Dum haec credimus studio et curae Dominationis Ve-
strae, in qua plene confidimus; id oneris adjicimus,

ut Actorum omnium in Decretorum Consistorialium executione confectorum duplex exemplar, authentica forma exaratum, intra duos menses ab expleta executione tradere satagat, quorum alterum ad Apostolicam Sedem erit transmittendum, alterum vero in hujus Apostolicae Nuntiaturae Archivio adservandum.

Ad quorum omnium implementum Dominationi Vestrae vel Suo Vicario seu Pro-Vicario Generali facultates omnes necessarias et opportunas auctoritate Apostolica concedimus et impertimur.

Datum Neapoli ex Aedibus S. Nuntiaturae Apostolicae die prima Augusti Anno Domini Millesimo Octingentesimo Quinquagesimo Tertio.

Loco ✠ Sigilli
INNOCENTIUS *Archiepiscopus et Delegatus Apostolicus.*
CAJETANUS ALOISI a Secretis.

Nos igitur Auctoritate Apostolica Nobis subdelegata, et omni meliori modo, via, forma, quibus plenius et efficacius possumus, Carpinonensem Ecclesiam (vulgo *Carpinone*) sub titulo Beatissimae Mariae Virginis in Coelum Assumptae Nostrae Aeserninae Dioeceseos, quae jamdudum Parochialis, praedita extabat, inservientium Presbyterorum seu Canonicorum Coetu veluti *Collegiali*: ex Apostolica Sanctissimi Domini Nostri PII IX Summi Pontificis praefata auctoritate, ulpote per novam erectio-

nem, in Collegiatam Insignem perpetuo erigimus, erectamque declaramus sub prisca Beatae Mariae Virginis in Coelum Assumptae invocatione et cum animarum cura, quae prorsus, ut antea, erit exercenda.

I.

In dicta Collegiali Ecclesia ita per Nos erecta Canonorum Capitulum cum Presbyterio, Choro et Stallis, nec non Capitulari Mensa, Sigillo aliisque signis consuetis, etiam de subdelegata nobis Apostolica auctoritate constituimus cum omnibus privilegiis, immunitatibus, exemptionibus, praecementiis, concessionibus, gratiis, praerogativis et caeteris quibuscumque, quae aliis, in Siciliarum Regno citra Pharum saecularibus Collegiatis Ecclesiis fuerint sive jure, sive usu, et legitima consuetudine, vel ordinaria ex concessione impartita; iis tamen exceptis, quae speciali indulto, vel oneroso titulo pariter fuerunt data vel acquisita.

II.

In Collegiali Capitulo Carpinouensi Apostolica identidem Summi Pontificis auctoritate ita erecto, undecim Canonici titulos constituimus, quorum alter ARCHIPRESBYTERATUS, alter DECANATUS, alter demum THESAURARIATUS titulo dignitario gaudeat, qui honores praemi-

nentias et cactera de more praeseferant. Ad Archipresbyterum, qui jugiter Parochus erit, primam; ad decanum secundam, ad Thesaurarium tertiam Dignitatem addicimus, Nobis reservantes alio Nostro Decreto jus statuendi, ut in eodem Capitulo officium Poenitentiarii vel Teologi per Canonicum Decanum in posterum defungatur. Praedicto Capitulo Collegiali quatuor Mansionarias, seu Beneficiarias praebendas perpetuo constituimus.

III.

Curam Paraeciae *habitualement* universo Capitulo auctoritate insuper Apostolica addicimus, *actualement* vero Parocho Archipresbytero adsignamus, qui in parochialibus muneribus explendis Coadjutores habeat quatuor Mansionarios electos cum ad Presbyteratus ordinem erunt electi, constituentes interea ad idem adjuvandi Parochi onus binos postremos Canonicos Presbyteros ejusdem Ecclesiae Collegiatae cum omnibus et singulis clausulis et mandatis in praeinserto Consistoriali Decreto contentis.

IV.

Eidem Collegiali Capitulo erecto, etiam de Apostolica auctoritate, Divini Officii in Collegiata Ecclesia sedulo praestandi onus, perpetuo adsignamus hoc nempe sta-

tuto ordine, ut Conventualis Missa pro *benefactoribus* in genere adplicetur et collegialiter canetur; *Matutinae* ac *Diurnae Canonicae Horae* rite in Choro persolvantur cum *Anniversariis* caeterisque officiis seu functionibus Ecclesiasticis ab omnibus et singulis Canonicis et Mansionariis festis quibusque diebus, hebdomade Majori, et caeteris profestis diebus alio Nostro Decreto statuendis. In reliquis vero ferialibus diebus cujusque anni, Chorale servitium in alternam vicem hebdomadalem a dimidia dumtaxat parte Canonicorum et Mansionariorum persolvatur, cum obligatione residentiae personalis cujusque Canonici apud ipsam Collegiatam ad normam Sacrorum Canonum, mandantes Parocho Archipresbytero, ut cunctis festis diebus Missam pro *populo* adplicet, atque aliis profestis quamquam reductis.

V.

Ex auctoritate Apostolica Nobis etiam subdelegata omnibus et singulis Canonicis Collegiatae Ecclesiae Carpinonis, tam dignitariis quam non dignitariis, sequentia ecclesiastica indumenta in choralibus aliisque collegialibus sive capitularibus functionibus (intra Aeserniensem Diaecesim tantum) concedimus: tempore videlicet aestivo seu a primis vespers de Christi Ascentione in Coelum usque ad primas Omnium Sanctorum vespers exclusive lineum Rochetum cum superpelliceo; reliquo quidem

auni tempore Rochetum et Sericum violacei coloris Palliolum (italice *Mozzetta*); Mansionariis vero tantummodo superpellicum et violaceam Adalmutiam in Brachio levi gestantem pariter concedimus, cum omnibus juribus, honoribus, gratiis, favoribus, privilegiis in praedaudato Consistoriali Decreto contentis.

VI.

Itidem de Apostolica auctoritate Archipresbytero Parochio ejusdem Collegiatae Ecclesiae parochialem Mensam ejusque administrationem adsignamus cum Canonicali portione Collegialis Massae Communis; reliquis vero tam dignitatibus, quam Canonice de eadem Massa Communi aequales portiones addicimus; Mansionariis binas portiones in quatuor aequales portiones pro unoquoque Mansionario subdividendas pariter addicimus, cum facultate percipiendi quotannis ex Mensa Archipresbyterali vicenos frumenti modios pro parochiali adistentia praestanda Archipresbytero in animarum cura. Tertiam uniuscujusque praebendae partem in Communem Massam pro Quotidianis Distributionibus perpetuo instituimus hac lege, ut in singulos dies et in singulas Divinorum Officiorum partes sit dispartienda inter eos tantum, qui praesignatis functionibus in Collegiata intersunt.

VII.

Auctoritate insuper Sanctissimi Domini Nostri PII PA-
PÆ IX Nobis subdelegata ARCHIPRESBYTERATUS titulum
cum adnexa animarum cura, nec non primam Canonici-
alem Praebendam Archipresbytero R. D Michaelangelo
Scioli assignamus, eique Stallum in Choro et vocem in
Capitulo addicimus; DECANATUS Secundae Dignitatis titu-
lum Praesbytero R. D. Joanni Tamasi; THESAURARIATUS
Tertiae Dignitatis titulum cum Canonicalibus Praebendis
Presbytero R. D. Josepho Pizzuti simili modo assigna-
mus. In Canonicos vero R. D.^f Franciscum Xaverium
Mascieri, Raphaellem Carnevale, Josephum Carnevale,
Josephum Jamurri, Aloysium Venditti eligimus et de-
putamus, et in veram, realem et corporalem cujusvis
Canonicatus et Praebendae possessionem praesenti Decreto
immittimus immissosque declaramus, eisque Stallum in
Choro et vocem in Capitulo assignamus sine obligatione
hac prima vice renovandi Apostolicarum Bullarum ex-
peditioem tam a Dignitatibus quam a Canonicis ad prae-
scriptum primi Consistorialis Decreti.

VIII.

Ex Apostolica denique auctoritate Nobis indulta, cun-
ctas et singulas praestationes praebendarum Canonicorum

+ *J. Josephum fuerat*

et Mansionariorum vacantes et in posterum vacaturas, Nobis atque successoribus Nostris reservamus ad impendia ipsius Ecclesiae Sacrarii per Nos addicenda, deductis tamen incumbentibus oneribus cujuslibet praebendae.

Et ita ad Omnipotentis Dei et Beatae Mariae Virginis in Coelum Assumptae gloriam et honorem erigimus, instituimus, atque executioni mandamus non solum isto, sed et omni alio meliori modo, salvis etc. — Datum Aeserniae ex Palatio Episcopali die _____ mense _____ anno Reparatae Salutis Millesimo Octingentesimo Quinquagesimo Tertio.

JUNUARIUS Episcopus Aeserniensis
Loco ✠ Sigilli *et Venafranus Subdelegatus Apostolicus.*

» Quae praecedunt exemplaria impressa tam Decretorum S. Congregationis Consistorialis, quam Subdelegationis et Exequutionis extracta esse ex Actis Authenticis, cum quibus concordant, testamur Nos subsignati.
Datum



